



Inatsisartuni ilaasortaq
Akitsinguaq Olsen

Akileraruteqartarnermik allagartamik atuisarneq pillugu apeqqutit
Ullormi 6. august 2012-imi Inatsisartut suleriaasianni § 37 naapertorlugu imaat-
tunik Naalakkersuisunut apeqquteqaateqarputit:

Ulloq:
124. august 2012

Postboks 1605
3900 Nuuk
Tlf. (+299) 34 50 00
Fax (+299) 32 20 42
E-mail:
tax@nanoq.gl
www.nanoq.gl

1. Inuit assigiinngitsut katissimangitsut arlallit imaluunniit inuit inooqati-
giinngitsut akileraartarnermik allagartaq ataaseq atorlugu isertitaqartar-
nerat pisinnaava, inatsisinillu tamanna eqqortitsinerua?
2. Apeqqut 1-imut atatillugu, inuk nunanit allaneersoq nunanit avannarler-
neersuunngitsoq, sivikinnerusumillu sulisinaanermut akuersissummik
pigisaqarani nunatsinniittoq pineqarpat tamanna allaanerussava?
3. Inuk sivikinnerusumik nunatsinniittoq taamaallaat akileraartarnermut al-
lagartamik pigisaqarnermigut nunatsinni sulisinaanermut akuersissum-
mik pigisaqartutut taaneqarsinnaava – inuimmi taakku pineqartut akile-
raartarnermut allagartamik pissarsisinaaneranunut sulisinaanermut
akuersissuteqartariaqarnerat eqqarsaatigeqqajaanarsinnaammat?
4. Inuup nunat avannarliit avataaneersup nunanit allaneersup maanili nu-
nassissimasup, inummumut allamut nunani allaneersumut, sivikitsuinnarmik
maaniittumut, immaqalu takornariarnermut atatillugu nunatsinniinnissa-
mut akuersissummik taamaallaat pigisaqartumut, avataanit suliarortitat
killilersimaarneqarnerat pillugu maleruagassanik akileraartarnerluunniit
pillugu inatsisinik sanioqqutsinissaq siunertaralugu, akileraartarnermik al-
lagartaq pigisani atorlugu isertitaqartissinnaavaa?
5. Inunnik sullissinermik ingerlatsilluni sulisunik sivikitsuinnakkaartumik nu-
natsinniittunit nunat avannarliit avataaneersunit aaqqissuussamik akile-
raartarnermut inatsisinik unioqqutsitsisoqartarneranik Naalakkersuisut
ilisimasaarpat?
6. Naalakkersuisut apeqqutinut siuliani taaneqartut ilaannannulluunniit aku-
ersaartumik akisinnaappata, taava tamatumunnga tunngatillugu Naalak-
kersuisut eqqarsaatersuutinik sunik iliuseriniakkanillu sunik kiisalu Aki-
leraartarnermut aqutsisoqarfimmi sulinerup aaqqissuuneqarneranut ata-
tillugu sunik isumaliuteqarlutillu eqqarsaatersuuteqarpat?

Nunami allamiut pillugit inatsit aamma Akileraartarnermut inatsit suliassaqarfiup-
put assigiinngitsut inatsisitigut aaqqissuunneqarsimasut.

Kalaallit Nunaanni najugaqarnissamut akuerineqassagaani piumasaqaatit nu-
nami allamiut pillugit inatsimmi, nunami allamiut pillugit inatsisip Kalaallit Nu-
naannut atortuulernera pillugu peqqussummi nr. 150, 23. februar 2001-

iimeersumi aalajangersarneqarput. Danskit inatsisaat pineqarpoq, pisortatullu oqartussaasoq tassaalluni Udlændingestyrelsi.

Nunami allamiut pillugit inatsisimmi Kalaallit Nunaannut atuuttumi § 9, imm. 2, nr. 3 naapertorlugu Kalaallit Nunaanni suliffeqartoqarnissaa siunertaralugu najugaqarnissamut akuersisoqarsinnaavoq, suliffeqarnermut imaluunniit inuussutissarsiornermut tunngasut annertuumik sianigineqarnissaat eqqarsaatigalugu qinnuteqaat akuerisariaqarpat. Assersuutigineqarsinnaavoq Kalaallit Nunaanni inummik suliassamik aalajangersimasumik naammassinnissinnaasuumik amigaateqartoqarsimasoq. Naalagaaffinni innuttaasut nunani avannarlerneersut najugaqarnissamut akuersissuteqarnissaanut piumaffigineqanngillat.

Pisartut aalajangersimasut naapertorlugit piumasaqaataavoq nunami allamiut suliffeqarneranni nalinginnaasumik Kalaallit Nunaanni akissaatinut aammalu atorfinitsitaanermut atugassarititaasut malillugit pisassasut. Tamakkua naliliiffiginissaanut Udlændingestyrelsip Kalaallit Nunaanni pisortat tusarniaaffigisinnaavai. Oqaaseqaat tamatigut aalajangiisuussaaq suliani aalajangersimasuni naliliiniarnermi.

Aammattaaq piumasaqaataavoq nunami allamiu suliaqartitaanermi isumaqatigiisummik imaluunniit suliffissamik neqeroorummik, taakkunani akissaatinut aammalu atornitsitaanermut atugassarititaasut pillugit paasissutissartalinnik takutitaqarsinnaasariaqarpoq. Sulinermi piffissaq tamakkerlugu sulisarnissaq pineqarpoq, tassa imaappoq sapaatip akunneranut 40 tiimit.

Taammattumik akileraartarnermut allagartamik pissarsineq aamma nunatsinni najugaqarnissamut akuersissuteqarnissamut piumasaqaatit imminnut attuumasuteqanngillat.

Sulisinnaanermut akuersissuteqartarneq kommunit allaffeqarfiisa susassaqarfivaat taamaattumillu akileraartarnermut allagartaliortariaqarnermut piumasaqaatitaqarani. Innuttaasup nunami maaniittup inuillu aqqisa allattorsimaffiani nalunaarsortissimasup pisariaqartissinnaavaa akileraartarnermut aallagartaqarnissani, assersuutigalugu pensionistit, suliffeqalertussaannatik taamaallaalli Kalaallit Nunaanniikkallarnerminni nunamit allamiit pensionisiassaminnik pissarsisus-sat.

Inuttaasut ataasiakkaat isertariumaagassaminnik siumoortumik nalunaarsuugaat imaluunniit Akileraartarnermut Aqutsisoqarfiup inuttaasumut paasissutissat pigeriigai tunngavigalugit ukiut tamaasa siumoortumik nalunaarsuinerit ingerlanneqartarput.

Tamatuma kingorna inuttaasumut akileraartarnermut allagartaq suliarineqartarpoq, tassani ilanngaattissat annertussusii il.il., innuttaasup sulisitsisuata akisarsiarititassaminit akileraarutit A-nut unerartitsinissaminut naatsorsuinermini atugassai, allassimasarlutik. Namminersorluni inuussutissarsiummik ingerlatallit pineqartillugit akileraarutit A-nut unerartitsisoqarneq ajorpoq, kisiannili inuttaasumut akileraarutit B-nut akiliutissaasa allagartaat nassiunneqartarlutik.

Ukiuni kingullerni Akileraartarnermut Aqutsisoqarfiup akileraartarnermut allagartat amerlanerpaartaat qaraasiatigut sulitsisunut anginermut nassiussortarpai,

tassa inuttaasut ataasiakkaat akileraartarnermut allagartaq sulisitsisuminnut tunniussinnginniassammata. Akileraartarnermut allagartami inuttaasumit tiguneqartumi hovedkorti krydsiligaasarpoq, taamaaliornikkut allagartaq taana innuttaasumit atorneqarsinnaajunaartarluni.

Apeqqummut 1-imut:

Akileraartarnermut allagartaq, akissarsiassanik, tunisinermi isertitassanik il.il. tunniussilinnginnermi atorneqartussaq, inummit tassungarpiamit pigineqarner-soq pillugu qulakkeerinissaq sulisitsisup akisussaaffigaa.

Ilumoorpoq pisoqarsinnaammat inuit arlallit akileraartarnermut allagartaq ataa-seq atorlugu akissarsisinnaasarsinnaanerat. Tamannali inunnut akissarsianit tamarmiusunit eqqunngitsunik akileraartitsissaaq, inaarutaasumimmi akileraarutissanik naatsorsuinermi akileraartarnermut allagartamik piginnittoq kisimi ilanngaateqartussaassammat.

Apeqqummut 2-mut:

Naamik, allaanerussuteqarnavianngilaq.

Apeqqummut 3-mut:

Akileraartarnermut allagartassamik tunineqarneq aamma nunatsinni sulisinnaarnermut akuersissummik pissarsineq imminnut attuumassuteqanngillat.

Apeqqummut 4-mut:

Apeqqummut 1-imut akissutigineqartoq innersuutigineqassaaq.

Apeqqummut 5-imut: Inunnik pineqartunik aqqissussaasumik akileraaruteqanngitsorniarsarisunik Naalackersuisut ilisimasaqanngillat.

Apeqqummut 6-imut:

Malittarisassat atuuttut atonerlunneqarnerinik saneqqutaarniarneqarneranilluunniit Naalackersuisut maannakkorpiaq ilisimasaqanngillat. Danskil oqartus-saasuisa misilittagarisimasaat eqqarsaatigalugit tamakku maannakkut siunissamilu immikkut isiginiartariaqartoq Naalackersuisunit ilisimaneqarpoq.

Inussiarnersumik inuulluaqqusillunga



Maliina Abelsen

Aningaasaqarnermut Naalackersuisoq